


CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
DEC 5 1952

2

T 5463/2 332



秋集集卷三

詩二

吳江吳兆騫漢



冰井曲

讀張司空所撰岱史

奉贈

送哈佐領之朝鮮

曉登東嶺寄楊友聲次琢之韻

早春集錢虞仲齋

馬耳山中同姚琢之

作

聽高小乾話秦淮舊

事作

代姬人寄贈錢茂才

方叔

送巴公子之京

送錢丹季之松花兀喇

少年行

山中晚行至阿波屯宿

張坦公侍郎齋中觀

白蓮歌

早秋同錢子

秋夕同諸君飲張司空凭嵐閣

寄王總戎

送人至羌突里街

送友人還兀喇

阿波山中訪張子

自密將夜歸登舊寧古臺

黑林

郊行贈雁羣

夜飲色侍中宅卽事成咏

奉送大將軍按部海東

寄錢子方叔

張侍郎齋觀山水畫卷歌

卽事

上巳許康侯招同諸

君禊飲江上卽席分韻得年字

阿波山中呈安都統

渡混同江

送人之粵東

咏隣姬

曉行

與桐柏山人

奉送巴大將軍東征邏察

秋夜師次松花江大將軍以牙兵先濟竊於道

旁寓目卽成口號示同觀諸子

城東書感

曉望

送人歸遼東

寄友人

九月八日病起有懷宋旣庭計甫草因憶亡友

侯研德宋疇三丁繡夫

九日

奉寄陳相國素菴先

生

送使者之蒙古

與劉子良閱廣輿記因為予話隴外地形賦此

奉送安都統安集海東諸部因便道閱松花江

水軍

陪張侍郎坦公遊西

嶺

贈孔叟

遊西山蘭若二十韻

送米參領

寺樓曉望有懷

聞溪聲有感

送姚琢之赴兀喇

同友人夜飲即席作

歌贈之

八月十五夜望月作

登樓

九日登東山憶甲辰

此日同馮炳文侍御遊睡河上錢虞仲茂才以五言長律相贈今馮錢皆逝溯懷疇昔情

見乎辭

野宿

寺樓雨望懷楊友聲

贈高生

山行有懷舊遊諸子

晚自鷄嶺崖至天龍

屯

寒食日作

芳樹

巫山高

銅雀伎

山中孺子妾

結客少年場

湘妃怨

長門怨

妾薄命

將進酒

採蓮曲

春曲

閨怨

與定之飲

早秋姬人有悲落桐

者感而賦此

贈張繡虎

同陳昭令遊西山道院

寄琢之

山夜觀打魚

奉送副都統安公之

烏龍江

與張繡虎飲

王定之過

置酒歌

登西閣

送友人

九日同德維雁羣兩同年西山登高

九月十二晚觀回獵賦贈薩君

寄琢之友聲

一藍岡夜行

秋日雜述五首

贈友

贈唐副帥

題淨公房

送人之榆關

獨行城東循山至白

崖

秋夜送卞書記赴軍

幕

同雁羣城南泛舟至

白崖口

密將山晚歸東陳衛

玉馮玉文

晚步原上

曉登天羅嶺東陳雁羣

西山閣晚眺

夜同諸君飲江亭

木丹山曉行

自木丹還城作

蒙古屯同雁羣晚眺

帳中示雁羣

冬至懷繡虎却寄

除夕

鷄嶺崖與王定之別

觀姬人入道歌

山中

帳夜

寄贈姜京兆定菴二

十韻

封祀長白山二十韻

秋笳集卷三

吳江吳兆騫漢槎氏著

水井曲

朔風吹合圓泉水六尺曾冰凍清泚皎潔偏臨壁甃
 明峒亭已映銀床起皜二銀床影欲重流霜鑒月共
 玲瓏光凝雲母深含景冷結琉璃半累空可憐少婦
 爭朝汲錦靴顧步愁無力乍照青蛾玉鏡寒欲凭素
 手晶闌濕日二攜羣幽怨多嚴陰不散碧差我輓轡
 宛轉霜絲縷泣向寒泉柰若何

讀張司空所撰岱史奉贈

司空雅博物愛撰名山志冷然塵外鑣自灑壺中字

採秀曾聞到石間抽毫已似窺金記此日羈栖咏四
愁側身梁父憶前游蒼茫日觀羣峯表海色天雞瞰
十洲

送哈佐領之朝鮮

帽側溫貂繡袷紅蹙金瓊帶兩駢弓平明車騎凌江
發大雪旌旗度漠空菟嶺天分邊草外熊津地隔海
潮東知君談笑還荒靜百戰寧誇荀彘功

曉登東嶺寄楊友聲次姚琢之韻

雙峯霜淨削觚稜倚馬高寒試一登曉色迴添鵬嶺
雪春風不拆菟河水名汗久擬淪屠釣身廢空憐有
愛憎鄉國茫二徒極日圖南誰道是鯤鵬

早春集錢虞仲齋

晴雪層巒炤簾牖文茵雜坐淹杯酒徑荒空見沒蓬
蒿春至何曾識花柳四座高談殊未休徘徊片月挂
城頭醉憑服匿悲歌發忽憶西園舊日遊

馬耳山中同姚琢之作

薄暮岩林外飛花滿綠蕪已從青海戍空對白雲孤
身世歸鞍馬山河邈酒壚尙餘臨眺興未可慟窮途
聽高小乾話秦淮舊事作

秦淮昔全盛萬戶起江湖燈火真珠舫樓臺碧玉簫
黃塵愁北徙白首話南朝歷二升平事天涯夢已遙
代姬人寄贈錢茂才方叔

妾家高樓臨狹斜，夾道金椎楊柳花。銀鋪曉日流蘇
帳，綺陌春風油壁車。春風搖裔春光徧，狂夫一去愁
相見。裊二遙憐邊地桑飛二，獨對文梁燕乳燕流鶯
曉夕聞綠錢生砌，青氛氳塵鏡金繩。四龍網空床珠
被雙鳳紋，離房寂寞長多暇。綺瑟瑤箏空夜二，寶鬢
繚紹罷新梳。翠眉連娟弛故畫，昨逢邊使自遼東。聞
君萬里尙從戎，刁斗三年出玄菟。樓船百戰度烏龍
烏龍絕漠征行久，離思徒悲笛中柳。紫壇秋塞君自
知青漆春樓妾空守，妾恨綿二思斷腸。君行迢遞滯
羶鄉，空覓生香寄韓掾。空持團扇憶王郎，惆悵容華
正三五年。二紅粉坐啼妝。

送巴公子之京

識君幾載安東幕，虎竹家聲擅沙朔。朝逐黃頭出射
堂，暮攜紅袖還鈴閣。塞上風光白雪霏，玉花小馬繡
障泥。金盤屢進黃羊炙，錦帶雙飛青鼠衣。父任爲郎
正年少，雅工漢語羣推妙。承恩儻謁蘭臺宮，攬轡初
辭柳河徼。公子乘春上苑遊，如雲祖帳擁鳴騶。鳳城
三月楊花滿，蹀躞金羈過御溝。

送錢丹季之松花兀喇

男兒好長征，結束事軍僑。鳴鞭欲何適，松花江路遙。
山雪北橫漠，河水西限遼。曉色帶歸雁，夜火驚鳴鵞。
千峰萬磧逃南北，送爾行二一沾臆。馬上驚蓬無那

飛笛中折柳長相憶

少年行

丁未年作

少年便弓馬落魄無所憂自矜紫臺客愛作朱門遊
曾陪北部大都尉新事西京博陸侯三月春風滿京
國待詔期門執長戟銅駝街畔臂鷹歸金馬門前賜
衣出天書趣拜羽林郎腰間鏤帶黃金璫鸚武杯傳
仙液暖鷄鷄冠插翠綉長歸來塞外驅駟馬賓御如
雲曜原野落鵬都護揖車前射雉參軍候鈴下驕奢
直擬徹侯家貧賤寧憐舊遊者海東健兒浴鐵衣沙
場幾度決重圍有功不解謁權貴戰如熊虎誰知之

山中晚行至阿波屯宿

不盡烟巒裏驅車日暮回一溪紆嶺戍十里及烽臺
獵火雲中出征途樹杪來寧知豺虎窟稅駕欲徘徊

張坦公侍郎齋中觀白蓮歌

高堂日暮收微雨坐對蓮潭不知暑簾櫳窈窕吹芳
菲召客看花酒如乳玉壺綺饌當軒開捲幔荷風面
面來花枝入座香欲動皎如月出臨瑤臺庭影離離
媚將夕池光汎灑凝珍席素裳欲逐鮮颺輕粉態愁
侵晚雲濕起坐高歌按採蓮笛聲寥亮驚四筵惆悵
邊寒易零落容華傾國誰相憐我家池館臨江甸灼
灼芙蓉照人面羅袖風微蘭漿輕金塘玉溆長相見
自從漂泊龍庭前斗柄秋風幾回變漾楫頻思淶水

洲聞歌尙憶朱樓讌舊國風流怨錦帆殊方星歲悲
銀箭持觴酌我我豈違彈弦拂柱酣馳暉碧雲遙遙
月初上醉倚金鞍忘却歸還憐公等京華去此地看
花更有誰

早秋同錢子

客遊心易悲岩栖秋早冽與子涉蕭辰含悽眺寥沈
寒波警洲渚空翠收岑樾盈盈散渚鴻槭槭下林葉
胡然淒序臨坐令韶景歇金膏空爾懷瑤華詎堪折
履霜方自今何以肆愉悅

秋夕同諸君飲張司空凭嵐閣

淒淒素商邁悠悠清夜遲眷言命賓友攀閣相招攜
微雲斂綺霄陰籟虛丹厓罍花烟稍積沾條露始滋
銀河耿遙景金波淪素姿馮軒獨緬邈叩盤空悽泐
邊候旣已寒秋華寧久輝且盡綠樽樂詎知玄朔悲
懽宴未可常憂襟何由辭

寄王總戎

出戍君何恨新妝有莫愁金鞍衝塞曉玉袖度關秋
百戰餘紅粉孤征已白頭瓊牆風雪裏應按小伊州
送人之羌突里街

颯沓黃驄去秋風動玉珂蒼茫玄菟外落日滿金河
故壘鳴笳少晴原徒帳多年年候烽火愁唱破羌歌

送友人還兀喇

輓輅余纔返嚴車爾復回愁將征戍淚重對別離杯
山勢侵長塞河聲咽舊臺北風哀角裏獨過白龍堆

阿波山中訪張子

石門棲隱處遙在白雲隈一徑穿岩入孤村倚澗開
秋嵐生薜荔陰雪洒莓苔爲問揚雄宅何人載酒來
自密將夜歸登舊寧古臺

清霜十里度烟巒月迴荒臺立馬看紫塞清秋增曠
莽絳河遙夜動波瀾心隨候雁鄉關遠淚入征笳道
路難肌力自憐乘障久無衣不復訝邊寒

黑林

黑林天險削難平唐將曾傳此駐兵形勝萬年雄北
極勲名異代想東征廢營秋鬱風雲氣大磧宵聞劍
戟聲歷二山川攻戰地只今旌甲偃邊城

郊行贈雁羣

城北城南千樹林斷烟衰草日蕭森白山冰雪秋將
暮黑水風雲晝欲陰龍笛三年吹客淚鴛機萬里寄
邊心招邀漫極江臯日憔悴終傷澤畔吟

夜飲色侍中宅卽事成咏

列伎褰華幕留賓啓畫堂共彈盧女曲莫厭次公狂
倚扇青蛾好行杯翠袖長今宵銀燭底不信是沙場
奉送大將軍按部海東

玉勒動珠幘旌旗遠肅紛鳴弓行磧雪飛蓋入邊雲

屬國鮫魚部佳兵鷲鶴羣海東三萬里笳吹日相聞

寄錢子方叔

蘋萍植洪濤從風自糾結之子在遐陬驅車日登涉
君行若崇朝織阿已三闕托身非故鄉敢憚長乖別
盛秋霜朔寒嚴颺素肌裂山高不可凌况乃無裘褐
平沙邈無津曾冰慘難轍未知歸國期且復履邊雪
盛年委榛莽壯氣盡羈絏一奏式微篇空令心斷絕

張侍郎齋觀山水畫卷歌

張公靜者流蕭然寡塵慮昨出名山圖知愛滄洲趣
粲二紈素色歷二烟霞峯彷彿草堂上坐對松岩風
樛枝龍從倚山閣似有樵聲出雲壑瑤草萋二暖欲
生石華濛二寒不落澗邊接飲垂清猿林上將雛引
雙鶴聞君昔憇嵩丘山紫翠岩庭縹緲間手倚鳳笙
坐磐石雙二玉女芙蓉髮竭來塵世空茫然矯首仙
城不可攀却顧丹青意恂怛十載關山倦輪鞅回崖
疑入天壇松懸瀑如聞石淙響滿眼林泉故國遊憐
君丘壑舊風流鄭虔漫自矜三絕張載惟應擬四愁

卽事

龍沙飛雪中夜驚徼巡刁斗寒無聲少年盜符出鈴
下關門未曉雞爭鳴追騎如雲促嚴鼓烽埃連天斷
行旅此去寧逢漁丈人間行且逐奴甘父匹馬邊程
白草枯崎嶇何日達飛狐應知天地容亡命擊筑還

過舊酒壚

上巳許康侯招同諸君禊飲江上卽席分韻

得年字

近郭林巒淨野烟佳辰車騎徧晴川秉蘭禊事仍三日拜柳軍僑已十年寒雪漸消貂去後春風不在雁歸前流澌處二滄江裏欲泛清觴倍惘然

塞外以貂入深山爲雪消之候

阿波山中呈安都統

暮雲岩徑逶差我初柳山橋送客過未見風沙開玉帳漸看冰雪霽金河春深絕徼歸鴻少日下荒原牧馬多欲逐車塵誇羽獵書生無那怯雕戈

渡混同江

江濤滾二白山來倚櫂中流極望哀襟帶黃龍穿磧下劃分玄菟蹴關回部餘石罅雄風在地是金源霸業開欲讀殘碑詢故老銘功無字蝕蒼苔

送人之粵東

辛丑年作

高楊葉未齊芳草色初碧春風搖玉鞭誰是南歸客送君南去古交州瀆水遙連瀧水流珠出雞潮長不夜花明鳶瘴未曾秋征南將吏銅牙弩君到王門見歌舞賜橐應知動越王賦詩且復參蠻府蠻府迢二五管分風流爭識沈休文五羊城畔如相憶好折桄榔寄朔雲

咏隣姬

家臨苧蘿畔生小艷蛾眉嫁與沙場客飄零逐馬蹄
金鈿空自好玉筋只長垂宛轉盤龍鏡春來不忍窺

曉行

五國城邊月已微五國城中烏未啼野昏溪水荒霧
積天寒磧路明星稀收馬前林踏霜徧手結征衣赤
鞵縮澗底斧冰響伏貂沙中捲幕驚鳴雁躩蹠孤鞍
拂曙行天涯何日盡邊程長城回望三千里一曲哀
歌白髮生

與桐栢山人

山人十年滯盧谷潦倒黃冠日行哭飛鶴徒憐托令
威射魚竟未從徐福回首雲霞空舊山蕭條邊戍幾

時還共嗟玄朔冰霜苦那得丹砂更駐顏

奉送巴大將軍東征邏察

邏察一名老羌烏孫種也

烏孫種人侵盜邊臨潢通夜驚烽烟安東都護按劍
怒麾兵直度龍庭前牙前大校五當戶吏士星陳列
嚴鼓軍聲欲掃昆彌兵戰氣遙開野人部捲蘆葉脆
吹長歌雕鞬弓矢聲相摩萬騎晨騰響朱戟千帳夜
移喧紫駝二帳連延亘東極海氣冥濛際天白龍江
水黑雲半昏馬嶺雪黃暑猶積凍解沙飛山雪皆作黃色蒼茫大
磧旌旗行屬國壺漿夾馬迎料知寇兵烏獸散何須
轉鬪摧連營

秋夜師次松花江大將軍以牙兵先濟竊於

道旁寓目即成口號示同觀諸子

落日千旗大野平回濤百丈權歌輕江深不動龜鼉
窟塞迴先馳驃騎營火照鐵衣分萬幕霜寒金柝徧
孤城斷流明發諸軍度龍水滔二看洗兵

城東書感

烟際出雙旌霜崖滑未平邊寒生遠障海氣隱孤城
挿羽方催粟傳烽未罷兵白頭沙塞客流涕問東征

曉望

孤角荒臺上寒旌獨戍間雁聲秋滿磧馬色曉彌山
霜雨淹時暮兵戈滯客還淒涼天畔眼誰是玉門關

送人歸遼東

送爾驅征馬離亭葉已飛雲山三歲別風雨一人歸
磧晚黃羊少關寒白雁稀蒼茫望遼海今日是王畿

寄友人

遙憶雞陵戍西連吐谷渾三秋兵未解百戰爾猶存
關塞分珠斗山河斷鐵門北方如可托且莫賦招魂

九月八日病起有懷宋既庭計甫草因憶亡

友侯研德宋疇三丁繡夫

歲晚霜清木葉愁病餘蓬徑愧淹留紫臺一別悲蘇
李青草頻年哭應劉歸夢關河長伏枕客心天地各
驚秋明朝誰是登高侶零落黃墟豈再遊

九日

龍沙不見戍歸期抱病頻驚節序移白草征人千里
恨黃花故國十年思雪晴大野鵬飛迴水薄長河馬
度遲欲上荒臺愁極目雲山面面是天涯

奉寄陳相國素菴先生

即用先生
見寄原韵

昔歲從公別薊門短衣涕泪日雙痕誰憐阮籍居窮
路獨向平津感舊恩空積冰橫秋未晏亂山沙起晝
長昏側身西望臨屯塞滿目寒雲斷客魂

送使者之蒙古

蹀躞青驪映紫駝飛揚丹旆擁雕戈離筵日暮簫笳
發絕塞年來戰伐多天盡龜林通鐵勒地從魚海入
銀河旂裘萬里歸持節定遠勲名未爾過

與劉子良閱廣輿記因爲予話隴外地形賦

此

九邊險絕稱秦隴抵掌輿圖此問君天轉黃河深圻
地雪晴紫塞鬱叅雲千年形勝三城繞一線關山六
郡分表裏莫談疆漢日蕭條泣盡故將軍

奉送安都統安集海東諸部因便道閱松花

江水軍

雉尾高牙落日懸雕韃精騎北風前軍容直歷無雷
地戰氣初消盛雪天欵塞紫貂新屬國浮江赤馬舊
樓船遙知緩帶行邊處千帳饒歌擁玉鞭

陪張侍郎坦公游西嶺

碧雲日暮春縹緲林壑峩峩照春好晴靄遙分雁嶺
沙風光欲綠龍山草草色萋迷四野開笑攜筓屐共
登臺烟霽碧潭芳樹暖天清丹嶂夕嵐來夕嵐彩翠
紛瑤席岍幘行杯醉佳客北海何須怨子卿東山且
自陪安石酒罷還傳洗玉觴犢車歸路晚蒼蒼欲將
折柳羌人笛吹入春風憶故鄉

贈孔叟

孔叟俠者今白頭橫戈曾事當陽侯

崇禎中叟以副帥事楊相國嗣

十年困頓蠨螭塞五月不脫羔羊裘征南幕府久
零落猶復雄名動寥廓絕域魂銷白雁書沙場力盡
斑絲掣擊衣不得心自哀置鉛無成目空矐甲申冬欲刺李

自成可憐喪亂識鳧毛敢道精誠生馬角萬里蒼茫
故國悲側身天地何時歸鄉夢已迷三楚道蠻烟休
望九疑祠此日相逢把君手倚杖班荆撫西缶感舊
應憐鬢上霜悲歌且酌尊中酒入關蕭永正漂零思
趙廉公已衰朽半酣起舞何慨慷俛眉歛跡空摧藏
丈夫失意會如此君今那必哀窮荒

遊西山蘭若二十韵

四禪分浩劫雙樹啓香津地湧龍沙古宮開鹿苑新
寶鈴流塞雨金刹照邊春窈窕丹櫺合峻嶒碧嶂隣
下堂鐘送客歸院樹迎人仙梵消兵氣天花灑戰塵
瀑泉喧月曉山磬靜霜晨咒食聞禽下繡經見虎馴

果肥風破甲松勁雪生鱗座儼逢師子林應集雁臣
南宗壇卓錫西竺字函銀香散冰天畔僧歸沙海濱
嘯聲疑藥老碑製想王中共道城爲化誰憐里是貧
白毫徒彷彿皂帽自逡巡已昧生還日空悲老去身
神人寧夢漢逐客未歸秦涕泪瞻慈像皈依請梵輪
祇林誰抖擻朔野此沈淪何日吳中寺長齋禮應真
送米叅領

詔書昨下麒麟殿敕勒將軍夜乘傳五校初歸左地
兵單車欲罷前庭戰送君萬里向樓蘭赭汗生駒七
寶鞍腰帶辟邪金錯麗耳衣舍利錦縫寒青冥亭障
千回轉白草川原日將晚磧裏吹笳烟火稀雪中移

帳關山遠西望蒼茫使節過野營求水任明駝界標
鷓嶺餘殘壘路極龍沙見沃河二塞遙二逢候吏百
年甌脫誰爭地乍道軍回遮玉門須傳使者撓金七
瀚海蕭條正北流浚稽山畔朔雲秋遙知錦帳安西
部馬首爭迎博望侯

寺樓曉望有懷

高樓簾幙俯江瀾

物色半天凝磧

曉雁聲七月動邊寒綠尊無處尋文舉皂帽何人識
幼安消息中原頻斷絕幾逢歸騎問桑乾

聞溪聲有感

何處溪流瀉潺二聽未窮數聲秋雨外一道夕嵐中

寧復逢漁父空隣作塞翁扁舟何日去腸斷五湖東
送姚琢之赴兀喇

雪花昨夜度秋峯君去單車積幾重八月邊程依白
鴈千年戰地出黃龍征衣卒歲何曾授旅食因人豈
盡供幕府只今勤遠戍敢將離思問重逢

同友人夜飲卽席作歌贈之

江色凍修夜雁聲斷清秋相攜飲沙瀨渺若凌滄洲
羯鼓逢二動孤戍懸火連延儼華炬冷二玉露搖寒
烟奕二銀河挂遙樹夜氣莽蕭森徘徊霜濕襟哀絃
激西氣促柱悽南音南音一曲肝腸絕憐君向隅淚
承曉蒙段鄉園隔瘴雲混同邊路驚秋雪賣瓜誰恤

故侯貧升輦猶悲侍中血當年出入驅隼旗可憐今
日行無車一馬之田日蕪穢數尺荒江身自漁漁釣
優悠且相樂擊筑吹簫亦不惡投荒聊復侶豺狼有
道由來在葵藿一作任龍蠖陳情感舊酒頻傾撫節高歌
月將落君不見五侯子弟半鉗奴負薪乞食嗟如何

八月十五夜望月作

大漠怨涼秋征人悲暮節日夕荒城思不怡却攬羊
裘步林樾遙野寒鵬驚古戍啼鳥歇如何遠謫心獨
遡清宵月二出雁山中徘徊遠近同亭二初濯魄靄
靄欲盈空戰場極目天垂白蒼茫亭障凝邊色影入
鷹關路幾重光連龍磧沙無極候騎營空刁斗寒明

駝帳冷旌旗濕一望旌旗亘朔邊幾回離別恨纏綿
金波不夜空千里玉塞傷秋又一年秋塞沈沈歲將
暮盈虧屢向愁中度明鏡蟾蜍只自飛大刀龍雀徒
相誤謾道邊心托鼓笳可憐客思淹霜露盈盈應照
去年人望二還迷舊鄉路舊鄉迢迢海雲端朱門此
夜正尋歡纖手雕觴進浮蟻小腰綺帶引驚鸞銀閣
烟花秋未素玉屏歌吹夜將闌玉屏銀閣關山隔望
遠懷鄉淚頻積良讌空教感舊時清光祇自憐今夕
今夕天涯意轉悲拂廬落月靄深輝登高欲作劉琨
嘯裂帛誰將蘇武歸

登樓

八月霜風早寒笳睥睨愁長雲橫塞晚落日澹邊秋
意氣誰橫槊蕭條只倚樓空餘滄海思十載滯韓州
九日登東山憶甲辰此日同馮炳文侍御遊
睚河上錢虞仲茂才以五言長律相贈今
馮錢皆逝溯懷疇昔情見乎辭
蒼茫巖徑抱烟稠落日攀登動昔愁雁塞雲山低薄
暮龍沙冰雪亂清秋銜杯彭澤仍佳節吹笛山陽已
舊游三載夜臺人不見空將沈醉哭西州

野宿

獵罷班聲夜磧空千燈星亂擁元戎金笳不動關山
月鐵騎長寒海戍風自是嫖姚雄塞外空慙孫楚在

軍中十年書劍長征慣悵望深宵更倚弓

寺樓雨望懷楊友聲

北風吹雨色日暮徧江潯木葉千山冷松陰百里深
樓臺紛遠目砧杵動離心遙憶求羊徑蕭條孰爾尋

贈高生

高生家本宛溪涘當年曾許工文史五年漂泊塞垣
秋夢斷江關八千里一戍天涯恨不歸邊霜蕭颯摧
人肌金戈夜雪哀吹角錦石秋風憶擣衣落魄行歌
空太息養雞牧豕無顏色賃春廡下不見收斫屨山
前詎能識昨日逢君大道旁頭須欲白神昂藏藜藿
不糝雜泥滓短衣無緒蒙雪霜豈無高門與大第齷

齷何曾稱人意乞食難逢女子憐望塵易盡詞人氣
日暮荒郊行負薪歸來黔突欲生塵憐君更灑楊朱
淚予亦龍荒放逐人

山行有懷舊遊諸子

冰雪峻嶒帶遠川北風驅馬夕陽邊山晴曠望黃羊
磧歲暮崢嶸白雁天少壯已過多難日風流空憶昔
遊年悲歌不盡鄉關思泣向沙場倍黯然

晚自雞嶺崖至天龍屯

迢遞回岡抱塞長暮雲歸路劇羊腸馬嘶古磧寒沙
白鴉亂荒城落照黃病後關河空涕淚戰餘身世各
蒼茫客游不異松花水日夜滔天下北荒

寒食日作

昨歲從軍粟末城今年寒食尙行營干戈祗益他鄉
泪時序偏傷故國情雪霽塞沙堪射兔天寒邊柳不
聞鶯年華已分沙場老敢向春風恨遠征

芳樹

春樹試春風飛花澹蕩紅縈烟垂砌外揚彩入樓中
葉暗鶯啼徧枝高月度空有情憐蕩子流涕向芳叢

巫山高

白帝通巫峽黃牛對楚臺陽雲當日夢暮雨至今來
樹色連冬落猿聲接曉哀高丘遺廟在想像珮環回

銅雀伎

愁殺望陵人年二漳水濱月沈銀海雁春斷玉衣塵
理曲縈紅態凝妝掩翠顰殷勤羅綺意猶是昔橫陳

中山孺子妾

妖姬原易寵得奉玉階深荷妾鳴環麗當君倚瑟心
腰纖啗北里鬟巧飾南金持謝宮中伴辛勤抱錦衾

結客少年場

家世扶風里英聲擅帝州結交憑喜怒馳俠辨恩仇
夜火藍田獵春鑣素滻遊橫刀千里去羞屬富平侯

湘妃怨

蒼梧渺何許迢遞隔湘岑帝子無還日江流空至今
亂猿傳晚嘯叢竹暖春陰何限懷君意悽其瑤瑟音

長門怨

君王憐鬢髮棄妾在長門自謝平陽舞難邀複道恩
塗黃思故愛破粉怨新痕寂二流蘇帳層楹又向昏
妾薄命

春色掖庭幽飛花落御溝可憐蟬髻色長作翠蛾愁
妾夢依塘上君恩隔殿頭下陳曾未及誰信善箜篌
將進酒

絃管鬱金堂烏棲夜有霜玉羈邀上客羅袖出名倡
漏促銀虬咽尊浮綠蟻芳明朝歌舞處又擬向平陽
採蓮曲

倚楫淶潭空新蓮相映紅折莖愁刺密攬菡愛心同
錦纜明斜日羅衣逐晚風船回繁吹合爭入館娃宮

春曲

樹色迎韶月風光徧晚春柳迷調馬客花醉鬪雞人
袂水羅裙艷縈山錦障新年二行樂處長在小平津
閨怨

樓外露初溥紅閨夜欲闌風微銀漏徹月迴玉繩殘
翠袂浮香薄羅衾裊淚單空將擣衣恨迢遞夢臯蘭
與定之飲

憶汝城南別邊頭兵正纏那知烽火後還共酒杯前
半嶺低殘照孤城隔暮烟但令長嘯傲敢恨滯歸年
早秋姬人有悲落桐者感而賦此

井梧妝閣畔秋至欲披離玉袖徒相惜金飈只自吹
就衰悲晚葉抽景憶春枝縱抱咸池曲凋零豈見知

贈張繡虎

去年聞汝繫京華忽漫邊頭度玉駟昔去白衣悲擊
筑今來紅袖泣吹笳斷腸水咽三秋戍絕脈城遙萬
里沙誰道飄零非壯士姓名久已屬輕車

同陳昭令遊西山道院

新起琳宮俯北岑秋嵐天半靄沈二踈松日冷瑤壇
靜清磬風微碧殿深爲客久慚玄鬢影懷仙空寄白
雲心可憐百戰龍沙地猶得相將物外尋

寄琢之

驂驪鐵馬戰初還又見征車度遠山萬事總傷邊塞
外十年空老別離間秋風穹帳松花戍夜雪雕戈木
葉關一別天涯嗟歲晚回腸幾度大刀環

山夜觀打魚

東峯暮雲裏岩壑紛坡陀連山見野火隔浦聞漁歌
榆溪秋半綠冰合石梁夜深頽鯉多岩下鮫宮百餘
尺椎冰張網那可得嫺二秋風吹早寒羊裘倚釣空
愁立

奉送副都統安公之烏龍江

安東亞將黃驄馬夜發旌旗宿烽下金笳吹雪起行
人銀鏑搖星照秋野遙二風旆捲平沙磧路陰沈極

望餘百轉青林蟠粟末雙流黑水接松花寒原獵火
懸軍度校尉行營在何處倚月弓開雁陣高連雲帳
繞鷓聲暮黑狐川畔驛亭開射鹿崖前候騎來此去
關山秋草徧行邊何日玉鞍迴

與張繡虎飲

十載一相見憐君氣未除天涯今夕會舊國隔年書
白髮邊愁裏青山戰哭餘不須悲異域能醉卽吾廬

王定之過

寥落穹廬外憐君日暮過雪聲空磧盛沙氣廢營多
戍久愁橫劍兵疲憶偃戈十年關塞淚南望意如何

置酒歌

臨潢城頭暮吹笛北斗闌干月將出金吾置酒坐北
堂銀鞍召客何輝煌織成罽幙芙蓉捲紫璫新茵獸
文軟黃羊作饌堆金盤青驪捫酒揮犀椀筵前火照
明星稀凝笳急管紛相依錦衣如霧聲絳蔡寶刀拂
露光霏微須臾月東吐留賓坐撾鼓還塞丹綺帷更
出紅妝女金鈿曜紫貂珠珪襲青鼠的皜芳脣歌便
娟細腰舞沈沈芳夜闌惻惻北風彈青蛾扇底蹙素
指絃上寒哀絃聲屢闕靈虬水頻咽但顧羅袖歡詎
惜珠纓絕酒闌華幕坐欲移徘徊落月秋河低錦鐙
車馬縱橫去應照香塵繞路飛

登西閣

高閣秋風蚤馮軒曉色分半空長白雪極目大荒雲
久戍應沈命孤征敢念羣還憐豪氣在長嘯學從軍
長白山在寧古之西高二百餘里夏有積雪予時屬鑲紅旗

送友人

天涯方戰伐爾去欲何歸斜日傳離酌初寒到客衣
雲從鵬外落霜逐雁前飛惆悵衰楊色行人折已稀
霜後一日雁卽南飛

九日同德維雁羣兩同年西山登高

落日一尊酒長雲萬仞臺寒聲隨雁去秋色傍鵬來
烽火鄉書隔冰霜旅鬢催故園叢菊在零落爲誰開
九月十二晚觀回獵賦贈薩君

山晚初回獵江寒早渡冰風旗收萬馬雪帳散千燈
拂劔君何壯鳴弦我未能莫言狐兔盡側目有飢鷹
寄琢之友聲

昨歲登高日從君汎羽杯只今千嶂裏猶憶百年臺
風景人將老江山客又來殊方良會少俛仰獨餘哀
一藍岡夜行

亂峯斜豁月腫二堠火微明隔嶺東孤障旌旗寒炤
雪嚴城刁斗夜臨風鳴弓盡日隨邊馬裂帛何時寄
塞鴻朔漠自來爭戰地欲將書劔一論功

秋日雜述

十首錄五

軍城遙倚萬峰開峯際浮雲繞堞迴落日旌旗人出

秋風笳鼓客登臺黑林險入重關斷黃水深蟠大
漠來昨夜隔河新駐牧平安火色到龍堆

又

西山雜部古烏桓東極三城屈馬韓積雪四岢當塞
迴河水千里照關寒種榆尙識秦人地射柳空傳漢
將壇滿目沙場征戰後誰將耕鑿起彫殘

又

戍樓鞞鼓動嚴城朔塞山川鬱戰爭毛節未歸魚海
使羽書還下鐵關兵月高亭障千烽出雪照旌旗萬
馬鳴莫道瘡痍猶未起 廟謨今日重東征

又

朔風羶幕擁旌旄八陣營開篳篥高鐵馬兩甄橫塞
草水犀三翼動江濤皆大治水軍于松花江以流人之習水者充棹卒 遷人
未見征徭息屬國微聞戰伐勞漫道射鵰多健卒只
今文士習弓刀

又

役車歲晚未曾休匹馬關河畫角愁豈是邊人輕遠
別應知漢法重長流海西雨雪移中監槎表星河博
望侯總道故園戎馬徧轉蓬何地不堪留

贈友

故祀丞

曾從郎吏侍瑤壇羽衛森二扈玉鑾一自橋陵成異
代翻從邊徼識祠官金河萬里魚龍晚銀海千年鳧

雁寒猶有遺弓當日淚秋風沾灑在三韓

贈唐副帥

唐公年少武且賢十年部曲陰山前握中鵠印桃花
綬櫪上龍媒杏葉韜生少邊城誇任俠珊瑚寶鉞頻
流血挽強不數射鵬兒入陣能攜畫眉妾山頭草綠
獸初肥錦褶珠袍去若飛篳篥數聲秋磧裏看君拋
鞞合長圍

題淨公房

淨公精舍紛蕭爽花石橫堦構佳賞芙蓉曙壑凝早
寒松枯秋岩激清響寂二禪扃掩北岑冷二疎磬出
東林定知習靜長趺坐何必思歸動鳥吟

送人之榆關

步君控弦兒家世陰沙外昔從弓高侯西歛雲中塞
戎錦騰裝靺鞨紅魚文雙服鳴雕弓碧毛氊帳五千
騎詔書分遣隸安東單馬曾穿白波壘一劔能誇黑
稍公自從上將沙場沒部曲分攜各南北木根山畔
不能歸粟末營前更驅役日逐何曾負恩段氏寧
慙忘晉德汗馬驂驪長苦辛天涯轉戰白頭人玉劔
徒悲十年戍鐵衣空盡九邊塵今年奉使長城去馬
首重尋舊時路河繞句驪候雁稀關開鴉鶻行人度
清霜七月草初黃篳篥聲中磧路長當時折戟秋原
徧一慟嫖姚舊戰場

獨行城東循山至白崖

涉江企往踪尋山隈遐軌孤遊豈不懷繁悲亦已弭
宛轡遵郊岐攀崖眺刻施曾陰靄平臯蒼烟引遙沚
林衣寒委綠岩霏暮凝紫遠鷗乍明沒驚麕或騰倚
披覽興徒牽逍遙思何已軫此羈邊情睠彼棲岩趾
躊躇我馬煩將從叱羊子

秋夜送卞書記赴軍幕

明燭映華纓檀槽雜鳳笙離筵開罽幕別騎動層城
四五金波夕三千玉塞程翩二阮書記名貴武剛營
同雁羣城南泛舟至白崖口

數里層城色超遙帶落暉欲乘孤櫂去祇訝舊遊非

江晚滄波淨山寒翠靄稀微霜邊候蚤愁攬薜蘿衣

密將山晚歸柬陳衛玉馮玉文

獨往秋峯裏寥二遠度鐘燒痕依岸盡林影入江重
有恨空橫笛無家且賃春天涯烽火徧吾道竟誰容

晚步原上

柴扉猶返照樵徑已涼風暝色歸平楚秋聲落早鴻
交疎知客久身棄覺途窮惆悵年華晚吾將侶釣翁

曉登天羅嶺柬陳雁羣

滄江碧嶂曉寒凝莽二雲山鬱幾層貂豹四時霾白
雪魚龍九月蟄玄冰放歌絕壑頻來往抱病窮邊獨
寢興多難漸看豪氣盡愧將湖海問陳登

西山閣晚眺

落日憑闌四望開
江流如帶抱山迴
雲林晴色秋橫
野雪嶺寒光晚照
臺萬里塞垣長放
逐百年鄉國未
歸來天涯此日無
衣客愁聽清砧處
二哀

夜同諸君飲江亭

秉燭邀賓到野亭
蒼烟白露滿前汀
金尊美酒還堪
醉玉笛哀歌不可
聽明月鮫宮江漠
三秋風漁火夜
冥二却愁塞水多
嗚咽欲泛扁舟且
復停

木丹山曉行

滄江晶淼帶長巒
拂霧宵征路轉難
一片關城秋色
動半空旌旆曙光
寒皂鷗風急聞弓
響白雁霜清度

角殘十載從軍今未返
荷父愁更出樓蘭

自木丹還城作

蕭二征馬涉溪流
颯二寒旌背驛樓
萬里獨來天北
極十年空逐海西
侯秋深城闕還悲
角老去關山只
敝裘日暮登臺瞻
大漠黑松黃草不
勝愁

蒙古屯同雁羣晚眺

積烟山雪遠蒼茫
落日層臺雁幾行
殘壘迴連寒燒
紫穹廬遙壓暮沙
黃邊書亂後應難
達客鬢秋來各
已蒼漫道山川堪
極目登臨無那是
殊方

帳中作示雁羣

白草高原繞拂廬
長天凝望意何如
關山夜月悲龍

笛江海秋風隔雁書搖落漫驚時序改艱難空惜故人疎只今轉徙隨羊馬敢向長沙問謫居

冬至懷繡虎却寄

憐君經歲滯臨潢至日傳書怨路長雪嶺幾時歸遠戍冰天何處轉微陽蕭條晏歲長多病零落窮交各望鄉總是寸心灰死後難隨葭管一飛揚

除夕

寒燈相對恨如何攬髻星二愧漸多一歲尚憐今夕在半生空向異方過哀笳絕障虛傳警濁酒穹廬且放歌漫道春光明日好塞天冰雪正嵯峩

雞嶺崖與王定之別

不盡平蕪色蒼茫到海瀕烟生漁舍晚花發戰場春亂後輕僑客兵餘重故人那堪離索恨回首見行塵

觀姬人入道歌

龍沙女子善歌舞紅顏的皪方三五自憐薄命失青廬欲問長生歸紫府聞道餐霞生羽翰明璫聲繞步虛壇舊着錦裙嬌試馬新吹玉管學驂鸞盤龍鏡斂如雲髮羽服穢三曳輕雪已栽苗葢戴瑤冠尙掃臙脂開寶靨降真火煖博山爐竊藥還能托月無白玉帳寒憐扇幙青岑醴熟厭酡酥日暮然燈禮瑤席清磬泠二滿空碧法曲能將漢語傳隱文自用秦書譯寂二清關晝不開駐顏何處望蓬萊共憐飛雪金微

外更有明星玉女來

山中

山下長烟松檜林山家往二住層岑泉飛丹嶂秋嵐
濕葉下蒼溪晚徑深折芰每憐人獨坐采參時見客
相尋烟霞不少中原地十載殊方愧滯淫

帳夜

穹帳連山落月斜夢回孤客尙天涯雁飛白草年二
雪人老黃榆夜二笳驛路幾通南國使風雲不斷北
庭沙春衣少婦空相寄五月邊頭未着花

寄贈姜京兆定菴二十韻

昭代論才傑先生實擅場人宗瞻藝苑卿譽最巖廊

議國曾焚草承家本釣璜夕郎青瑣闥京尹黑犀章
望久兼丁孔名今歷趙張官曹連鳳掖封域劃龍荒
沮水侵遼綠關雲帶闕黃山川尊北鎮居守重南
陽共喜台衡逼還看竹帛光龍門延客峻馬帳說經
長儒雅耽柔翰風流凭隱囊探奇興不淺愛士勢偏
忘歲晏憐窮鳥天涯恤翳桑詩傳子卿窖書到幼安
牀高義驅流俗微生愧激昂幸邀千里顧彌結九迴
腸恩重空銜涕情深漫自傷無家隨泛梗有賦獻長
楊何日伸良覲凌雲感聖皇如能薦文似矯首望
楊莊

封祀長白山二十韻

配極神山峻修封 帝命崇金函新建嶽玉檢此升
中咸秩遵虞典昌期答漢功星軺瞻二使雲燎視三
公戴斗原承北苞祗獨峙東千年今值 聖萬歲昔
聞嵩地接興龍近天開翥鳳雄嵯峨分氣象窳突關
鴻濛五時儀還陋三祠禮自同宗禋通盼蠻展案契
昭融圭璧陳緹帟駢駒襲錦幪日華遙合扇雲氣迴
成宮列嶂輝瓊雪雙流巨玉虹壯哉符寶勢赫矣麗
璇穹仙靄凝巖紫高霞鏡野紅何須傳縱雉已見永
垂鴻芝木祥侔岱枌榆祀比豐紫壇三望徧絳節百
神通運喜逢文命書慙獻所忠 聖皇長有道靈秩
慶無窮

西曹雜詩卷四

吳江吳兆騫漢槎著

詩三

戊戌三月九日自禮部被逮赴刑部口占二律
四月四日就訊刑部江南司命題限韻立成
感懷詩八首呈家大人 聞有家信遂成

寄內二律

偶成二律

秋夜寄計甫草

答贈丁繡夫二首

寄懷袁文生黃平子二子

有感三律次陳子長韻

送人還江南

送姚子上還荊州

九日同陳子長飲分

得十五刪

卽席再用前韻答贈

子長

再和子長

感寄

夜坐柬子長

白頭宮女行

秋雁篇

冬日同子長賦限韻立成

冬夜同諸子飲方坦菴先生齋卽席賦呈

夜同子長過方婁岡學士賦贈

送張繡虎南行和陳相國

戊戌除夕偕諸子集陳素菴先生齋卽席同直

方子長賦

己亥正月朔夜同子

長小飲口占

人日同子長賦

答贈陳子長

正月九日望月同子長

元夕同直方子長賦

春雪篇

感示子長

閏三月朔日將赴遼

左留別吳中諸故人

西曹雜詩卷四

序

非騫丘樊幼生菰蘆下士弱齡有意總角知名才愧
 臨川蚤擅芙蓉之譽年同僧孺即傳芍藥之篇漢代
 三君長其聲價江東二俊許以追攀既而擢秀蕪林
 含毫鎖院自慚庸薄猥造賢良江頭艤榜京尹問孝
 廉之舡道上鳴鑣 君王命上計之吏豈知新粧始
 竟使嫉揚蛾嘉卉初繁遽逢鳴鳩孝子有掇蜂之懼
 賢人生市虎之悲直比朱絲乃見嫌于曲木貞如白
 璧忽致嘆于緇塵成是南箕構茲北寺江文通之就
 吏傷心謗缺之間范孟博之拘囚慷慨棘木之下夏
 臺日暗疇惜賢豪貫索星高竟災文士望慈闈于天

西曹雜詩卷四
一
際白髮雙悲憶少婦于樓中紅顏獨倚緘冤情而莫
訴抱幽憤以誰知嗚咽銀箏空寄思鄉之調淒涼石
闕難傳羈客之情爰寄托于篇章聊自陳其胸臆南
冠柔曲泣鍾儀之士風西陸蟬聲庶駱丞之慨咏詩
成雜體情比四愁云爾

戊戌三月九日自禮部被逮赴刑部口占二
律

倉黃荷索出春官撲目風沙掩淚看自許文章堪報
主那知羅網已摧肝宛如精衛悲難盡哀比啼鵲
血未乾若道叩心天變色應教六月見霜寒

其二

庭樹蕭蕭二暮景昏那堪縲紲赴園門銜冤已分關三
木無罪何人叫九閻腸斷難收廣武哭心酸空訴
鵠亭魂應知聖澤如天大白日還能炤覆盆

四月四日就訊刑部江南司命題限韻立成
自嘆無辜繫鷓鳩丹心欲訴淚先流才名夙昔高江
左謠詠于今泣楚囚闕下鳴鷄應痛哭市中成虎自
堪愁聖朝雨露知無限願使冤人遂首丘

感懷詩八首呈家大人

棘寺陰沈樹色長故園何處淚沾裳獨憐積毀能銷
骨無那銜冤易斷腸授簡園扉思夏勝上書梁獄泣
鄒陽金門咫尺招賢地不得雄文達建章

其二

風塵日夕滿燕山馬角烏頭尙未還
夢繞高堂憐白首書來香閣泣紅顏
淒涼鈴柝悲風外黯淡松楸落
炤間極目南雲何處是羈心一夜度江關

其三

宋坐匡床引濁醪臨風愁聽角聲高
謗書何事騰三篋壯士由來泣二桃
日斷鄉關空涕泗心傷烏鳥自悲號
可憐一片江南月永夜蒼二客夢勞

其四

涼風吹雨夜窗虛木索嬰身獨起居
豈有姓名藏複壁可憐涕淚滴衣裾
初明歸思通天表孝穆哀情僕

射書詞悵恣幃新白髮側身南望一愁予

其五

壞墻寂歷鎖莓苔几坐槐陰迥自哀
飛雪漫傳鄒衍恨凌雲誰惜馬卿才
異鄉節物愁中度舊國烟花夢裏迴
何日烏啼傳大赦秋風重接故人杯

其六

青二杜若滿芳洲迴首家山憶昔游
父子文章推二庾弟兄才筆說諸劉
那知眉黛悲謠詠還使衣冠泣纍囚
聞道江東花信好五湖歸去看漁舟

其七

長吹玉笛到雞鳴讀罷魚書泪滿纓
千里關河風雨

恨一堂兄妹歲時情板輿奉母嗟潘令鱸膾思鄉有
步兵折盡柳條歸未得中宵腸斷闔廬城

其八

殷勤尺素勸加餐強引清尊且自寬伏闕何人懷白
璧當門從古忌芳蘭山頭晞髮孫登嘯軍府彈琴楚
客冠見說九重多雨露擬披雲霧叩鴛鸞

聞有家信遂成

遙傳江上信八月到燕京故國經年別鄉書萬里情
秋雲低驛樹夕照下關城極目天涯外蕭蕭旅雁鳴
寄內二律

憶汝深閨裏淒涼畫閣塵有情憐蕩子無語問尊親

明鏡雲鬟亂芳襟玉筯新迢迢今夜月愁殺兩鄉人

其二

薊北秋偏早江東客未歸不知更歲序長自泣羅衣
砧杵霜華濕星河雁影稀西窗明月在腸斷是鴛鴦機
偶成二律

高秋寒氣迥延眺獨傷心欲餉秦嘉鏡難爲莊舄吟
客愁千里外鄉夢五湖陰苦憶登臨處迢迢不可尋

其二

一自辭鄉國漂搖類轉蓬刀環徒有約尊酒竟誰同
風急催寒角霜空度早鴻遙憐潞河水千折到江東

秋夜寄計甫草

槐樹沈沈二鼓角催愁看清露滿荒苔金風入樹秋陰
薄璧月臨窗夜色來獻賦未知 聖主意行吟還使

故人來天邊鴻雁南飛急悵望江南首重回余部訊詩七月

廿六日已呈 御覽故有 獻賦未知 聖主意之句

答贈丁繡夫二首

獨悼孤舟慘別顏夢魂終日繞吳關春來無限新楊
柳惆悵東風不忍攀

其二

昨歲昌亭酒相攜向碧潯誰憐一失所惜別到如今
星漢三秋隔風霜五夜深傷心看候雁何處寄歸音

寄懷袁文生黃平子二子

二子今名彥相逢意自親金鞭曾試馬羅袂共留賓

薊北雲沙暗江東花鳥新那堪思往事回首欲沾巾

有感三律次陳子長韻

燕山秋望迥霜露晚來多直道原如此吾生可柰何
天寒驚歲序親老泣風波却憶談經日淒涼橫笛歌

其二

深秋西署冷兀坐意悲哉笑傲應憐我艱難孰愛才
異鄉嗟客久故國少書來不作窮途哭誰知阮籍哀

其三

欲盡平生語艱辛敢自陳已成鉤黨禍莫忌獨醒人
名辱憐詞賦時危聽鬼神 君門真萬里流慟向青

旻

送人還江南

八月霜清木葉催天涯惜別帝城隈風塵作客三
秋暮鄉土驚心萬里迴東府山川天闕近南徐潮汐
大江來故園橘柚垂三發滿目商飈迴自哀

送姚子上還荊州

御苑秋高樹色微送君擁傳出王畿青蘋風急催征
棹白雁霜清炤客衣山接虎牙寒峽險江連鵲尾暮
潮歸却憐憔悴幽州客矯首空嗟兩地違

九日同陳子長飲分得十五刪

太息今年重九日羈棲無處望秋山寒花炤眼傷遲

暮白雁低空獨往還西署漫傳燕市酒南冠頻泣楚
臣顏最憐舊日登高地碧嶂丹楓未可攀

卽席再用前韻答贈子長

北風驅雁度燕山落日頽垣炤客顏豈有絳囊傳令
節漫因黃菊憶鄉關陳遵意氣誰堪並沈炯漂零尙
未還無那少年俱落魄祇應潦倒酒徒間

再和子長

禁城秋晚雨如絲把酒荒臺感歲時已見清霜催旅
鬢那堪斜日上花枝曲中風土羈臣淚笛裏關山客
子愁莫道舊游星散盡比來傾蓋愧君知

感寄

西曹雜言卷四
荒庭獨坐起悲歌抱病誰憐在網羅歲晚冰霜生白
髮秋來書札阻黃河李膺賓客飄零久庾信文章涕
淚多忽憶去年高會日絳紗絲管正婆娑

夜坐柬陳子長

明河如練俯城頭節序驚心迥獨愁月色遠連吳苑
樹角聲寒動薊門秋鄉心萬里隨鴻雁旅病經年繫
鷓鴣惆悵逢君多難後不堪重說五陵游

白頭宮女行

長安女尼妙音者本崇禎時舊宮人後出居民
間祝髮于北城之佛舍與海昌相國居址接近
嘗出入相國家述甲申三月及宮中舊事甚悉

又言宮中侍姬都以青紗幕外約釵梁自遭喪
亂香奩寶鈿悉爲人奪惟存青紗數幅猶昭陽
故物也今年戊戌予以謗議械繫都官而相國
亦以他事下吏因與其嗣君直方子長相見酒
酣耳熱爲言妙音予旣自傷讒枉復聞妙音之
事悲紅粉之飄零感羈人之淪落乃連綴其詞
作爲長歌以傳于樂府云

長安女冠頭似雪曳地黃繩懸百結手執金經淚暗
垂云是前朝舊宮妾一朝充選入披香倭墮新梳內
殿妝低鬟自惜青蟲小繫臂愁看絳縷長當年御極
方清晏宮中屢啓催花宴雲母屏開見舞人水晶簾

西華雜言卷四
捲低歌扇歌舞年二樂事殊森沈寶幄挂流蘇北宮
漫閱魚龍戲東絹頻臨蛺蝶圖二史紛披間珠翠深
宮鎮日長無事鵲顧書從女史傳鸞雛釵向昭儀賜
昭儀明艷獨承懽促坐金床倚笑看燈簇九微長侍
輦妝成七寶自凭闌二前羅綺紛成列阿監才人幾
分別玉墀草細打球高珠箔花深吹管徹景福宮前
細柳垂瓊軒不閉共追隨繡鏡纏髻嬌試馬綠綈隱
几倦彈碁春花秋月年華換掖庭寂寞腸堪斷素手
繡書教小王紅顏對食憐同伴漢宮中自相配
偶謂爲對食自從
羽檄擾秦川遂使官家少晏眠五夜刺閨頻報警三
春合殿罷開筵幾載天顏慘不樂中宵獨坐占芒角

砲火新開內教場詔書屢下文淵閣閣門封事日紛
二督府潼關復覆軍幾部黃巾殘豫楚千羣青犢下
宣雲宣雲處二名城墮倒戈自啓居庸鎖闕下交馳
告急書殿前望斷平安火軍鋒倏忽逼神京一夜都
人已數驚內苑左貂羣揖盜團營飛騎半翻城二上
弓刀爭內向蒼黃無復蓬萊仗獨御金鞭視九門空
頒鐵券封諸將白馬青袍捲地來君王長嘆下平臺
口詔內人從避寇手持愛子共銜哀可憐十葉漢天
子海竭山崩竟如此複壁寧教伏后藏佩刀自刺清
河死珠傷玉碎滿曾成宮車無那赤龍迎猶有黃門
曾殉主豈知紫闥竟屯兵自憐白首深宮住欲問家

山渺歸路潛脫霓裳出九重却尋月徑依雙樹一托
香臺已十秋每談遺事自生愁室中漫禮金仙席夢
裏還隨玉輦游惆悵生年邁陽九戒珠持遍甘衰朽
仙家龍種尙飄零賤妾蛾眉亦何有我來故國幾沾
翰摩娑銅狄北風酸昭陽舊侍悲通德長樂姬人識
佩蘭從古存亡堪太息淒涼無處尋遺跡麥秀偏傷
過客情柘枝還下宮人泣

秋雁篇

長安八月金風起旅雁飛二度龍水共道連翩傍九
霄寧知迢遞經千里千里隨陽道路賒揚聲接翼向
天涯銜蘆欲避金河雪唼藻還依玉淑沙一頭日莫

秋蕭索夜火如星亂栖泊江路由來足稻梁雲間却
自多矰繳矰繳連天何處飛冰霜滿目未能歸月冷
關城哀響過風迴汀渚斷行稀可憐歲晚爭飛急羽
翩摧頽去安極拂霧宵傳紫塞書驚寒曉雜朱樓笛
誰家少婦倚朱樓忽見孤鴻淚暗流玳瑁床空紅粉
怨茱萸帶緩翠蛾愁二心幾度音塵絕擣盡寒衣向
秋月詎憐明鏡歇容華却恨狂夫限城闕城闕遙三
落雁低青蘋碧石五湖西何如長住吳江渚不使年
二有別離

冬日同子長賦限韵立成

歲晚驅征雁時窮泣鮒魚漫憐同難久還憶結交初

越石原無罪文通未上書白雲空在眼腸斷望鄉餘
冬夜同諸子飲方坦菴先生齋卽席賦呈

月落層城雁度哀南冠相對暫銜杯天涯兄弟情偏
苦江表山川夢未迴穿徑已荒庾信宅思家莫上李
陵臺夜深何處吹羌笛腸斷鄉關是落梅

夜同子長過方婁岡學士賦贈

絳蠟沈二炤眼紅冰天歷二度飛鴻披帷莫厭經過
密把酒應憐患難同夾巷鼓笳喧北寺中宵星斗動
西風十年冠劍銅龍署回首君門歎轉蓬

送張繡虎南行和陳相國

經年西署相依久忽送征車恨若何
嚴譴已嗟同

放逐餘生那更歷風波新亭樹色臨江盡京口濤聲
到海多萬里故鄉猶在眼憐君重得暫經過

戊戌除夕偕諸子集陳素菴先生齋卽席同
直方子長賦

促漏催寒盡官梅逼歲新不堪今夜酒相對異州人
竄逐存餘齒艱難愧此身傷心瞻北斗明日帝城
春

已亥正月朔夜同子長小飲口占

條風淑景動 皇州孤客相逢尚滯留萬里共傷多
難日三春誰記少年游姓名讒枉悲青史門次凋殘
累白頭遙夜思歸不成寐角聲吹徹五更愁

人日同子長賦

支離棘寺逢人日，強進芳尊倍愴神。
鳳闕綵花稀到眼，龍沙遷客自相親。
人遙南國書難寄，律轉東郊柳漫新。
忽憶去年偕計吏，正驅鞍馬大河濱。

答贈陳子長

驚座聞名久相逢，卽故知片言深契。
托九折共艱危，伏闕書難上懷鄉調自悲。
帝城春色早腸斷，向南枝。

正月九日同子長望月

客心愁不寐，坐見月華移。
只自臨遙夜，寧知異舊時。
光連關樹迥，寒入苑鐘悲。
遠憶金閨婦，顰蛾恨別離。

元夕同直方子長賦

寂寞園牆少客過，聽殘更漏復如何。
自將杯酒酬佳節，不爲艱虞廢嘯歌。
月繞庭柯春色靜，風傳城角夜聲多。
遙憐燈火千門裏，繹繹雕輪度玉河。

春雪篇

此予童時所作也。今年浮繫西曹，見積雪綿旬，凝堦不散，因記憶錄出，以正素菴先生然語。多忘失，復爲點翰，以視向製畧，更四五矣。先生及直方子長皆爲屬和，遂併記之。

玄飈吹不已，一夜起嚴陰。
漸覺輕寒侵曉幕，俄驚飄霰遍春林。
二端騁望光如曙，六出霏二挺瓊樹祗道。

西曹雜詩卷四
尋芳鳳苑春誰知吹雪龍山暮龍山雪色舞空來沾
花拂柳自徘徊金屏夜掩疑含月綺戶晨開悞落梅
誰家小院湘簾濕幾處高樓羌笛哀數聲羌笛天如
練珠斗年光君不見積素遙含翡翠窓凝暉深炤鴛
鴦殿鴛鴦殿裏耐春寒少女妝成自倚闌歌扇半遮
憐粉薄舞衣乍點惜花殘海神昨日車輪度雪花落
盡長安路玉房密坐進蘭尊繡被薰爐分桂炷桂炷
沈一樂未央可憐春色半飄颺剪成綵勝無顏色夢
繞梨花總斷腸梨花匝樹春歸蚤鱗亂空階愁不掃
班女何須怨白團王孫空自思芳草草色淒迷紫陌
隰那堪飛雪正紛二三時花月知何處千里瓊瑤祗

憶君瓊瑤滿眼難憑折黃竹哀歌自淒咽已悲搖蕩
任迴風誰惜飄零在韶月春情日莫嘆蹉跎白雪漫
天可柰何惟有東瀛雙玉馬庭前依舊散陽和

感示子長

夜靜危鏹刺漏頻客中對爾倍情親非關刀筆嚴持
法自是聲名解悞人獻弔湘潭悲宋玉竄身遼海泣
崔駟南天望處堪腸斷榆柳江臯已莫春

閏三月朔日將赴遼左留別吳中諸故人

薊門三月柳堪折玉關遷客肝腸絕結束征車去舊
鄉矯首天南恨離別憶昨胥臺事俠游才名卓犖凌
王侯黃童雅擅無雙譽溫嶠羞居第二流相將日向

西唐雜言卷四十一
春江曲闔廬墓前草初綠綵鷁春風客似雲珠簾夜
月人如玉少年行樂恣游盤夾道飛花覆錦湍按歌
每挾茱萸女駐馬頻看芍藥欄筵前進酒題鸚鵡一
日聲名動東府擬從執戟奏甘泉耻學吾丘能格五
去年謬應公車徵駿馬高臺幾度登自許文章飛白
鳳豈知謠詠信蒼蠅蒼蠅點白由來事惹苴偏嗟罹
謗議賦就凌雲祗自憐投人明月還相棄身嬰木索
入園門白日陰沈欲斷魂北燕漫說騶生哭東海誰
明孝婦冤銜冤犴狴悲何極慷慨陳詞對巖棘幽怨
空教托楚辭嚴威竟已秦格忽承恩譴度龍沙
邊草茫茫去路賒名列丹書難指罪身投青海已無

家銷魂橋畔誰相送一曲蘆笳自悲痛皂帽慚非避
世人青山何處思鄉夢鄉心日夜繞江干江柳江花
不復攀萬重關塞行應遍十載交游見欲難從此家
山等飛藿滿眼黃雲橫大漠自傷亭伯遠投荒却悔
平原輕赴洛一向水天逐雁臣東風揮手淚沾巾只
應一片江南月流照飄零塞北人

